



অবিলম্বে প্রকাশের উদ্দেশ্যে: 8/11/2022

গভর্নর ক্যাথি হোকল

গভর্নর হোকল এবং মেয়র প্যাটারসন-হাওয়ার্ড মাউন্ট ভার্ন সিটিতে অগ্রাধিকারভিত্তিক সিউয়ার প্রকল্প এবং দীর্ঘমেয়াদি পরিকল্পনার জন্য 6 মিলিয়ন মার্কিনডলার তহবিল ঘোষণা করলেন

সেবাসমূহ অর্থায়িত হবে মাউন্ট ভার্ননের ভেঙ্গে পড়তে থাকা সিউয়ার ব্যবস্থা ঠিক করতে নিউ ইয়র্ক স্টেটের ঐতিহাসিক 150 মিলিয়ন মার্কিন ডলার বিনিয়োগ দ্বারা

গভর্নর ক্যাথি হোকল এবং মেয়র শন প্যাটারসন-হাওয়ার্ড আজকে ঘোষণা করলেন যে মাউন্ট ভার্ন সিটি পরিষদ স্টেট-অর্থায়িত চুক্তিতে 6 মিলিয়ন মার্কিন ডলার অনুমোদিত করেছে যা সিটির ক্ষয়িষ্ণু পানি ও বর্জ্যপানি অবকাঠামো ঠিক করার প্রক্রিয়া অগ্রসর করতে অতি গুরুত্বপূর্ণ কাজ করতে দিবে। চুক্তিগুলি সিটির দীর্ঘদিনের পানি ও বর্জ্যপানি অবকাঠামো সমস্যা ও সম্পর্কিত জনস্বাস্থ্য সমস্যা সমাধানে [স্টেটের ঐতিহাসিক 150 মিলিয়ন মার্কিন ডলার বিনিয়োগের](#) অধীনে অনুমোদিত প্রথম চুক্তি। এই প্রধান মাইলফলক অগ্রাধিকারভিত্তিক সিউয়ার মেরামত ও ভবিষ্যতের বর্জ্যপানি প্রকল্পসমূহের দীর্ঘমেয়াদী পরিকল্পনার কাজ শুরু করে, এবং সিটির কর্মকর্তাদের কারিগরি, ব্যবস্থাপনা এবং আর্থিক উপদেষ্টাদের সাথে সংযুক্ত করে দেয় এই কাজের নির্দেশনার সাহায্য পাওয়ার জন্য।

"আজকের ঘোষণা মাউন্ট ভার্ননের জন্য গৃহীত পদক্ষেপের ব্যাপারে। এটি এপ্রিলে আমরা সিটির ভেঙ্গে পড়তে থাকা পানি ও বর্জ্য ব্যবস্থা পুনর্গঠন শুরু করার জন্য ঐতিহাসিক 150 মিলিয়ন মার্কিন ডলার বিনিয়োগের ঘোষণা করে যে প্রতিশ্রুতিগুলি করেছিলাম তা সত্যি করার বিষয়," **গভর্নর হোকল বলেন।** "আমি এধরনের মুহূর্তের কল্পনা করেছি, সিটির জন্য বাস্তব ফলাফল দেখা এবং মাউন্ট ভার্ননের বাসিন্দা, ব্যবসা ও দর্শনার্থীদের কাছে যাতে তাদের প্রাপ্য নির্ভরযোগ্য পানি ও বর্জ্য অবকাঠামো ব্যবস্থা থাকে তা নিশ্চিত করার দিকে একটি বড় পদক্ষেপ নেওয়া।"

মাউন্ট ভার্ননের মেয়র শন প্যাটারসন-হাওয়ার্ড বলেন, "দেশের সবথেকে ধনী কাউন্টিগুলির একটির প্রাপ্তে অবস্থিত একটি ঐতিহাসিকভাবে প্রান্তিক সম্প্রদায়ের মেয়র হিসেবে, আমি খুশি যে গভর্নর হোকল সমতার পরিবেশগত অবকাঠামোর তত্ত্ব ও ব্যবহারিক প্রয়োগ উভয়কে বরণ করে নিয়েছেন এবং অতীতের বর্ণাঙ্ক স্বাস্থ্য ও পরিবেশগত অবিচার থেকে সরে এসেছেন। অনেক দশক ধরে, নিচু শ্রেণীর অবকাঠামো ও আবাসন অশ্বেতাঙ্গ সম্প্রদায়সমূহের জন্য শিক্ষার ফলাফল এবং আজীবনের উপার্জন সম্ভাবনাকে নেতিবাচকভাবে

প্রভাবিত করেছে এবং মাউন্ট ভার্নও তার ব্যতিক্রম নয়। স্টেটের ল্যান্ডমার্ক বিনিয়োগ সিটিকে আমাদের পাবলিক ওয়ার্কস (Department of Public Works, DPW) কর্মীদের সাথে মিলে ক্যাপিটাল প্রকল্পের কাজ শুরু করার জয় প্রয়োজনীয় দক্ষতা নিশ্চিত করতে দিবে যাতে করে মাউন্ট ভার্নের বাসিন্দাদের জন্য দীর্ঘমেয়াদি সম্পদ ও কল্যাণ উন্নত করা যায়।"

চুক্তিগুলি এনভায়রনমেন্টাল কনজার্ভেশন ডিপার্টমেন্ট (Departments of Environmental Conservation, DEC) ও স্বাস্থ্য ডিপার্টমেন্টের (Departments of Health, DOH) সাথে অংশীদারিত্বে, নিউ ইয়র্ক স্টেট এনভায়রনমেন্টাল ফ্যাসিলিটিজ কর্পোরেশনের (Environmental Facilities Corporation, EFC) মাধ্যমে প্রাপ্ত স্টেট অনুদান দ্বারা অর্থায়িত হবে। নিচের কার্যক্রমের জন্য চুক্তি হয়েছে:

- 2022 সালের জুন মাসে করা শহরের অবৈধ নির্গমন কর্মপরিকল্পনাতে (Illicit Discharge Action Plan) চিহ্নিত করা অগ্রাধিকারভিত্তিক বর্জ্যপানি প্রকল্পের পরিকল্পনা, নকশা ও নির্মাণের জন্য 5 মিলিয়ন মার্কিন ডলার। পরিকল্পনাটি ঝড় সিউয়ার ব্যবস্থার সকল নির্গমনকে সনাক্ত করে যা বিশেষ করে ঝড়ের পানি নয়, যেমন ফুটোযুক্ত স্যানিটারি সিউয়ার।
- সিউয়ার পরিষ্কার সেবার জন্য এবং ক্যাপিটাল উন্নয়ন প্রকল্প পরিকল্পনাকে সহায়তা করতে সিউয়ার লাইন পরিদর্শনের জন্য ক্লোজড সার্কিট টিভির জন্য 500,000 মার্কিন ডলার। লাইনগুলি টেলিভাইজ করা হলে মাটির নিচে কী হচ্ছে তা দৃশ্যমান হবে এবং ব্যবস্থার জ্যাম এবং ফুটো বা সম্ভাব্য নষ্ট হওয়াকে সনাক্ত করা যাবে।
- প্রশিক্ষণ, কারিগরি, ব্যবস্থাপনামূলক, আর্থিক মূল্যায়ন, তহবিল আবেদনে সহায়তা এবং অনসাইট কারিগরি সহায়তার জন্য পেশাদার উপদেষ্টা সেবার জন্য 500,000 মার্কিন ডলার।

এনভায়রনমেন্টাল ফ্যাসিলিটিজ কর্পোরেশনের প্রেসিডেন্ট এবং প্রধান নির্বাহী কর্মকর্তা মরিন এ. কোলম্যান বলেন, "EFC এই অতি গুরুত্বপূর্ণ কাজ মাঠপর্যায়ে শুরু করার জন্য তহবিল ও সংস্থান প্রদান করার মাধ্যমে মেয়র প্যাটারসন-হাওয়ার্ড ও মাউন্ট ভার্নের বাসিন্দাদের প্রতি গভর্নর হোকলের প্রতিশ্রুতিকে অগ্রসর করতে পেরে গর্বিত। EFC-র অনুদানসমূহ মাউন্ট ভার্নের নিবেদিত এবং পরিশ্রমী পাবলিক ওয়ার্কস কর্মীদের সরাসরি সমর্থন করবে এমন অগ্রাধিকারভিত্তিক প্রকল্পসমূহের জন্য যা সিউয়ার উপচে পড়ার সমাধান করবে এবং বাসিন্দাদের জনস্বাস্থ্য ও জীবনযাপনের মানে তাৎক্ষণিক পরিবর্তন নিয়ে আসবে। আমি গভর্নর হোকল, মেয়র প্যাটারসন-হাওয়ার্ড এবং স্টেট ও স্থানীয় সরকারে আমাদের অংশীদারদের প্রশংসা করছি এই পরিচ্ছন্ন পানি সমস্যাকে সামনে থেকে মোকাবেলা করার জন্য এবং পরিবেশসংক্রান্ত ন্যায়বিচারের প্রতি তাদের প্রতিশ্রুতির জন্য।"

এনভায়রনমেন্টাল কনজার্ভেশন ডিপার্টমেন্টের কমিশনের ব্যাসিল সেগোস বলেন, "ঐতিহাসিক এই প্রকল্পটি গভর্নর ক্যাথি হোকলের নেতৃত্বাধীনে সেই পানি অবকাঠামো সফট সমাধানে অগ্রসর হচ্ছে যা মাউন্ট ভার্নের মানুষকে দীর্ঘদিন ধরে আক্রান্ত করে রেখেছে। এই

প্রকল্পগুলি যেহেতু চলছে, তাই অগ্রগতি অগ্রসর হচ্ছে এবং আমরা মাউন্ট ভার্ননের বাসিন্দাদের জন্য জীবন পরিবর্তনকারী ফলাফল অর্জন করার জন্য আমাদের সিটি, স্টেট এজেন্সি এবং সম্প্রদায়ের অংশীদারদের সাথে কাজ করে যেতে উন্মুখ।"

স্টেটের স্বাস্থ্য কমিশনার ডাঃ ম্যারি টি. ব্যাসেট বলেন, "গভর্নর হোকল বুঝেন যে জনস্বাস্থ্য উন্নত করার মধ্যে একটি পরিচ্ছন্ন পরিবেশ নিশ্চিত করার জন্য কৌশলগত বিনিয়োগ করাও অন্তর্ভুক্ত। সিটির স্যানিটারি সিউয়ার ব্যবস্থায় এই উন্নয়নগুলি মাউন্ট ভার্ননের বাসিন্দাদের স্বাস্থ্য সুরক্ষায় সাহায্য করবে।"

গভর্নরের ঝড় পুনরুদ্ধার অফিসের (Governor's Office of Storm Recovery, GOSR) নির্বাহী পরিচালক ক্যাটি ব্রেনান বলেন, "GOSR এই ঐতিহাসিক অংশীদারিত্বে কাজ করে যেতে পেরে গর্বিত যা পুরো মাউন্ট ভার্ননে স্থিতিস্থাপক বাসা ও সম্প্রদায় গঠন করবে। এটি বাসিন্দাদের জন্য সমতার ও নিরাপদ পানি অবকাঠামো তৈরির দিকে একটি অত্যাবশ্যকীয় পদক্ষেপ।"

সিনেটর চাক শুমার বলেন, "অনেক দীর্ঘ সময় ধরে, মাউন্ট ভার্ননের অনেক বাসিন্দাকে তাদের বাড়িতে বিষাক্ত সিউয়েজ ঢুকে পড়ার, তাদের পানিকে দূষিত করার, এবং স্থানীয় করদাতাদের উপর চাপ সৃষ্টি করার ভয় নিয়ে বাস করতে হয়েছে। আমি দ্বিপক্ষীয় অবকাঠামো ও কর্মসংস্থান আইনে (Bipartisan Infrastructure & Jobs Law) ঐতিহাসিক পরিষ্কার পানির তহবিল নিশ্চিত করেছি যাতে করে মাউন্ট ভার্ননের মতো প্রকল্পগুলির কাজ অবশেষে শুরু হতে পারে, এবং আমি এই সিউয়েজ সফট শেষ করতে গভর্নর হোকলের দৃঢ় অঙ্গীকারের জন্য তার প্রশংসা করছি। মাউন্ট ভার্ননের কাছে যাতে শহরের দীর্ঘদিনের চাহিদা ও প্রাপ্য সিউয়ার ব্যবস্থা থাকে তা নিশ্চিত করার জন্য সকল ফেডারেল সমর্থন থাকে তা নিশ্চিত করতে আমি জোর লড়াই করতে থাকবো।"

প্রতিনিধি জামাল বোম্যান বলেন, "মাউন্ট ভার্ননের সিউয়ার ব্যবস্থা মেরামত ও রেন্ট্রোফিটিং করার জন্য অনেক বেশি পরিমাণ সরকারি সাড়াদান প্রয়োজন। আমি শহরের ক্ষয়িষ্ণু বর্জ্য ব্যবস্থার জন্য অতিরিক্ত তহবিল দেখে খুশি, এই তহবিল এবং স্টেট ও কাউন্টি থেকে পাওয়া অন্যান্য তহবিল হলো অর্থবছর 2022-র মাউন্ট ভার্নন সিউয়েজ ক্লিনআপ প্রকল্পের (Mount Vernon Sewage Cleanup Project) জন্য অ্যাপ্রোপ্রিয়েশন প্রক্রিয়া (Appropriations Process) যা আমি যেই 1.5 মিলিয়ন মার্কিন ডলার নিশ্চিত করতে পেরেছি তার সংযোজন। একত্রে, আমরা বর্জ্য ব্যবস্থাকে পুনর্জীবিত করতে পারবো এবং এটি নিশ্চিত করতে পারবো যাতে মাউন্ট ভার্ননের প্রতিবেশীদের কাছে একটি পরিচ্ছন্ন ও স্বাস্থ্যকর সিউয়েজ ব্যবস্থা থাকে।"

অ্যাসেম্বলি সদস্য জে. গ্যারি প্রেটলো বলেন, "মাউন্ট ভার্নন সিটির জরুরি সিউয়ার প্রকল্পসমূহের জন্য যেই তহবিল পাওয়া হবে তা আমাদের ভেঙ্গে পড়তে থাকা সিউয়ার ব্যবস্থা মেরামত করার জন্য অতি প্রয়োজনীয়। আমাদের সিউয়ার ব্যবস্থার অতিমাত্রার ক্ষতির ফলে আমাদের সম্প্রদায়ের অনেক বাড়িকে তাদের সম্পত্তির ভেতরে বর্জ্যপানি প্রবেশ করার পরিণতিতে ভুগতে হয়েছে এবং আমি এটি জানতে পেরে অত্যন্ত আনন্দিত যে আমাদের কঠোর পরিশ্রমী বাড়ির মালিকদের জন্য ত্রাণ আসবে।"

ওয়েস্টচেস্টার কাউন্টি নির্বাহী জর্জ ল্যাটিমার বলেন, "দিনশেষে, মাউন্ট ভার্ননের মানুষের যা প্রয়োজন তা হলো এই দীর্ঘস্থায়ী, অগ্রহণীয় পরিস্থিতির সমাধানে অগ্রগতি। গভর্নর হোকলের কল্যাণে, অগ্রগতি ভালোমতো চলছে। সরকারের একদম মৌলিক কার্যক্রমগুলির একটি হলো একটি পরিচ্ছন্ন, স্যানিটারি বসবাসের পরিবেশ প্রদান করা এবং স্টেট, সিটি ও কাউন্টির এই অংশীদারিত্ব এটিকে সম্ভব করছে। আমাদের কাউন্টি DEF মাউন্ট ভার্নন DPW-র সাথে এই প্রকল্পের অত্যাবশ্যকীয় অংশ ত্বরান্বিত করার প্রকৌশল নিয়ে ঘনিষ্ঠভাবে কাজ করছে।"

গভর্নর হোকল, মেয়র প্যাটারসন-হাওয়ার্ড এবং ওয়েস্টচেস্টার কাউন্টি নির্বাহী জর্জ ল্যাটিমার এপ্রিলে মাউন্ট ভার্ননের পান ও বর্জ্যপানিতে 150 মিলিয়ন মার্কিন ডলার বিনিয়োগ করার ঘোষণা দেন। জুলাই মাসে ঘোষিত গভর্নরের ঝড় পুনরুদ্ধার অফিসের [স্বাস্থ্যকর বাসা \(Healthy Homes\) পাইলট কর্মসূচির](#) মাধ্যমে শহরের বর্জ্য ও পানি অবকাঠামো সফট দ্বারা প্রভাবিত মাউন্ট ভার্ননের বাসিন্দাদের জন্য অতিরিক্ত 3 মিলিয়ন মার্কিন ডলার [ফেডারেল তহবিল](#) বরাদ্দ করা হয়। GOSR পরিচালিত এবং সবথেকে ঘনঘন আক্রান্ত ও উচ্চ ঝুঁকির সম্পত্তির জন্য অভীষ্ট উদ্যোগটি আবহাওয়ার বিপত্তি প্রশমন করবে এবং বেসরকারি সম্পদের স্থিতিস্থাপকতা উন্নয়ন করবে। অংশগ্রহণকারী বাসাগুলি বর্জ্যপানির ক্ষতি, সিউয়েজ উল্টো প্রবাহিত হওয়া প্রতিরোধ ব্যবস্থা স্থাপন, বাসার পানিতে সীসার অনুপ্রবেশ প্রশমন এবং অন্যান্য প্রয়োজনীয় আবহাওয়াসংক্রান্ত প্রতিকারের জন্য যোগ্য হতে পারবে। আগ্রহী বাসিন্দারা আরো জানার জন্য stormrecovery.ny.gov/mountvernon এ যেতে পারে।

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এগজিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)